

1788
P.01



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-13850-39/20
Sarajevo, 28.05.2020. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 i 37/14) Vlada Kantona Sarajevo, na 17. sjednici održanoj **28.05.2020.** godine, donijela je

ZAKLJUČAK

1. Usvaja se Informacija Ministarstva pravde i uprave Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i Preporuka Institucije ombudsmena Bosne i Hercegovine.
2. Nalaže se resornim ministarstvima i institucijama navedenim u Informaciji iz tačke 1. ovog zaključka da intenziviraju aktivnosti na provođenju odluka ustavnih sudova Bosne i Hercegovine i preporuka Institucije ombudsmena Bosne i Hercegovine, kao i da vrše nadzor nad provođenjem preporuka iz svoje oblasti (preporuke koje se odnose na javna preduzeća, javne ustanove, upravne organizacije i druge organe javnog sektora).
3. Obavezuju se resorna ministarstva i institucije navedene u Informaciji iz tačke 1. ovog Zaključka da jednom mjesečno, a najkasnije do 25. u mjesecu, obavještavaju Ministarstvo pravde i uprave o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena Bosne i Hercegovine.
4. Zadužuje se Ministarstvo pravde i uprave da kvartalno informiše Vladu Kantona Sarajevo o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena Bosne i Hercegovine.
5. Zadužuje se Ministarstvo pravde i uprave Kantona Sarajevo da zaključke i informacije iz tačke 4. ovog Zaključka dostavlja Instituciji ombudsmena Bosne i Hercegovine i Ustavnim sudovima Bosne i Hercegovine.



6. Zadužuje se Ministarstvo pravde i uprave Kantona Sarajevo da na zvaničnoj web stranici objavi Informaciju iz tačke 1.ovog Zaključka, u cilju informisanja javnosti, vodeći računa o podacima u Informaciji koji se odnose na zaštitu ličnih podataka.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo pravde i uprave Kantona Sarajevo,
5. Ministarstva Kantona Sarajevo (12 x),
6. Institucije (putem resornih ministarstava),
5. Evidencija,
6. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



**MINISTARSTVO PRAVDE I UPRAVE
KANTONA SARAJEVO
Sektor za propise**

**INFORMACIJA
O IZVRŠENJU ODLUKA USTAVNOG SUDA BOSNE I
HERCEGOVINE, USTAVNOG SUDA FEDERACIJE BOSNE I
HERCEGOVINE I PREPORUKA INSTITUCIJE OMBUDSMENA
BOSNE I HERCEGOVINE**

maj 2020. godine

I UVOD

Uvažavajući opredjeljenost Bosne i Hercegovine ka članstvu u Evropskoj uniji, postujući tekovine Evropske unije kao i prava utvrđena univerzalnim deklaracijama/poveljama o ljudskim pravima, kojima je Ustavom Bosne i Hercegovine utvrđena direktna primjena i jednake pravne snage kao i ustavne odredbe Ustava Bosne i Hercegovine, Vlada Kantona Sarajevo iskazuje svoje usmjerenje potpunog uvažavanja svih prava utvrđenih evropskim poveljama i deklaracijama kao i odredbama Ustava Bosne i Hercegovine, Ustava Federacije Bosne i Hercegovine i Ustava Kantona Sarajevo.

Shodno expozeu premijera Kantona Sarajevo, gosp. Nenadića, kao redovna i kontinuirana aktivnost Ministarstva pravde i uprave utvrđeno je kvartalno izvještavanje Vlade Kantona Sarajevo o aktivnostima na implemetaciji presuda ustavnih sudova u Bosni i Hercegovini i preporuka Ombudsmena Bosne i Hercegovine

Ustavni sud Bosne i Hercegovine je 23. novembra 2012. godine donio odluku kojom je utvrđeno da je odredba člana 4. Zakona o sudskim taksama Kantona Sarajevo suprotna pravu na pravično suđenje iz člana II/3.e) Ustava Bosne i Hercegovine i člana 6. stav 1. Evropske konvencije. Navedena odluka je implementirana donošenjem Zakona o izmjenama i dopunama Zakona o sudskim taksama Kantona Sarajevo („Službene novine Kantona Sarajevo“, broj 36/13).

Ustavni sud Federacije Bosne i Hercegovine je od 2004. godine donio 11 presuda i jedno mišljenje koji se tiču povreda nekog prava od strane Kantona Sarajevo, od čega šest presuda još uvijek nije provedeno, četiri ih je provedeno u cjelosti, a jedna presuda i jedno mišljenje je djelimično provedeno.

Institucija Ombudsmena za ljudska prava Bosne i Hercegovine je dana 07.05.2020. godine Ministarstvu pravde i uprave dostavila pregled preporuka Institucije Ombudsmena koje se odnose na Kanton Sarajevo, a koje do sada nisu realizovane.

Institucija Ombudsmena je uputila ukupno 27 preporuka, od kojih 18 nije provedeno, šest predmeta je u toku, a tri predmeta su zatvorena.

II ODLUKE USTAVNOG SUDA BOSNE I HERCEGOVINE

1. Odluka U-8/12

Ustavni sud Bosne i Hercegovine je u odluci broj U-8/12 od 23.11.2012. godine utvrdio da je odredba člana 4. Zakona o sudskim taksama Kantona Sarajevo suprotna pravu na pravično suđenje iz člana II/3 tačka e) Ustava BiH i člana 6. stav 1. Europske konvencije o zaštiti ljudskih prava i osnovnih sloboda zato što onemogućavanje vođenja postupka, ako na podnesak, uključujući tužbu, nije unaprijed plaćena sudska taksa, ne predstavlja sredstvo koje je razumno proporcionalno ostvarenju legitminog cilja, jer se na taj način potpuno ograničava pravo na pristup sudu, odnosno mogućnost vođenja sudskog postupka, čime za stranku mogu nastati neotklonjive štetne posljedice.

1.1. Status realizacije Presude

Odluka implementirana Zakonom o izmjenama i dopunama Zakona o sudskim taksama Kantona Sarajevo („Službene novine Kantona Sarajevo“, broj 36/13).

III ODLUKE USTAVNOG SUDA FEDERACIJE BOSNE I HERCEGOVINE

2. Presuda U-23/04

Ustavni sud Federacije Bosne i Hercegovine je u presudi broj U-23/04 od 18.01.2005. godine utvrdio da su Zakonom o nadziđivanju zgrada, izgradnji potkrovnih stanova i stanova u zajedničkim dijelovima stambenih i stambeno-poslovnih zgrada ("Službene novine Kantona Sarajevo", broj 17/99 i 10/02), koji je donijela Skupština Kantona Sarajevo, povrijeđena prava na lokalnu samoupravu.

2.1. Status realizacije Presude

U „Službenim novinama Kantona Sarajevo“, br. 30/05), objavljen je Zakon o prestanku važenja Zakona o nadziđivanju zgrada, izgradnji potkrovnih stanova i stanova u zajedničkim dijelovima stambenih i stambeno-poslovnih zgrada, čime je imeplementirana presuda.

3. Presuda U-11/04

Ustavni sud Federacije Bosne i Hercegovine je u presudi broj U-11/04 od 31.05.2005. godine utvrdio da su Zakonom o komunalnim taksama ("Službene novine Kantona Sarajevo», broj: 30/01), povrijeđena prava na lokalnu samoupravu.

3.1. Status realizacije Presude

Presuda je provedena, izmijenjen je osporeni član 8. („Službene novine Kantona Sarajevo“, br. 36/05).

4. Presuda U-4/05

Ustavni sud Federacije Bosne i Hercegovine je u presudi broj U-4/05 od 08.11.2005. godine utvrdio da je Kanton Sarajevo Zakonom o preuzimanju, izmjenama i dopunama Zakona o zakupu poslovnih zgrada i prostorija i Odlukom o općim jedinstvenim kriterijima dodjele u zakup poslovnih zgrada i prostorija koji ma pravo raspolaganja imaju općine na području Kantona Sarajevo, povrijedio pravo općina na lokalnu samoupravu.

4.1. Status realizacije Presude

Ustavni sud je meritorno odlučio i stavio van snage osporene odredbe Zakona („Službene novine Kantona Sarajevo“ -3/06).

5. Presuda U-14/09

Presudom broj U-14/09 od 12.10.2010. godine Ustavni sud Federacije Bosne i Hercegovine je utvrdio da je Kanton Sarajevo povrijedio pravo na lokalnu samoupravu Općine Centar Sarajevo, jer nije postupio prema odredbama člana 58., 59. i 60. Zakona o načelima lokalne samouprave u Federaciji Bosne i Hercegovine ("Službene novine Federacije BiH", broj 49/06).

5.1 Rješenje o neizvršenju

Rješenjem od 24.05.2011. godine, Ustavni sud Federacije Bosne i Hercegovine utvrdio je da presuda broj U-14/09 nije izvršena.

Premijer Federacije Bosne i Hercegovine je aktom broj 01-11-177/11 od 24.03.2011. godine dostavio Ustavnom sudu Federacije Informaciju o izvršenju pet presuda Ustavnog suda Federacije koje su donesene u tijeku 2010. godine. U Informaciji je, između ostalog, navedeno da Presuda ovog suda broj U-14/09 od 12.10.2010. godine nije implementirana, da je prema informacijama premijera Kantona Sarajevo od 16.03.2011. godine Skupština Kantona Sarajevo utvrdila Nacrt zakona o lokalnoj samoupravi 04.05.2010. godine i uputila ga na javnu raspravu. U periodu konstituiranja nove vlasti u Kantonu Sarajevo opredjeljenje je bilo da se prije utvrđivanja konačnog teksta zakona ponovno obave radni i konzultativni sastanci sa predstavnicima lokalne samouprave i predstavnicima Saveza općina i gradova Federacije Bosne i Hercegovine. Nakon dogovora, Vlada Kantona će utvrditi Prijedlog zakona o lokalnoj samoupravi, sa precizno utvrđenim rokom za usklađivanje ostalih kantonalnih propisa koji se mogu donijeti prije donošenja Zakona o načelima lokalne samouprave.

5.2 Status realizacije Presude: Presuda nije realizovana.

6. Presuda U-18/09

Presudom U-18/09 od 26.01.2010. godine Ustavni sud Federacije Bosne i Hercegovine je utvrdio da je odredbama čl. 2., 3., 4. i 5. Zakona o imovini Kantona Sarajevo ("Službene novine Kantona Sarajevo", broj 6/97) povrijeđeno pravo Grada Sarajeva na lokalnu samoupravu.

6.1. Rješenje o neizvršenju

Rješenjem od 22.02.2011. godine, Ustavni sud je utvrdio da presuda broj U-18/09 nije izvršena.

Premijer Federacije Bosne i Hercegovine je aktom broj 01-11-286-6/10 od 02.11.2010. godine, dostavio Ustavnom sudu Federacije Informaciju o izvršenju presuda Ustavnog suda Federacije koje su donesene u tijeku 2010. godine. U Informaciji je, između ostalog navedeno, da Presuda ovog suda broj 18/09 od 26.01.2010. godine nije implementirana, da su od predsjedatelja Skupštine Kantona Sarajevo i premijera Kantona Sarajevo traženi podaci o izvršenju, odnosno poduzetim aktivnostima na izvršenju navedene presude, te je u prilogu dopisa premijera Kantona Sarajevo, od 13.10.2010. godine dostavljena Informacija Ministarstva privrede iz koje proizilazi, da je Ministarstvo pravde i uprave nadležno za izradu Prijedloga zakona o izmjenama i dopunama Zakona o imovini Kantona Sarajevo.

6.2 Status realizacije Presude: Presuda nije realizovana.

7. Presuda broj U-21/09 – Djelimična presuda

Presudom Ustavnog suda Federacije Bosne i Hercegovine broj U-21/09 od 27.09.2010. godine utvrđeno je sljedeće:

1. Utvrđuje se da Zakon o privremenom korišćenju javnih površina na području Kantona Sarajevo ("Službene novine Kantona Sarajevo", broj 24/04) povrijeđuje pravo Grada Sarajeva na lokalnu samoupravu, jer osporeni zakon nije poštovao nadležnosti gradskih vlasti u skladu sa Amandmanom XVI na Ustav Federacije Bosne i Hercegovine, koje se odnose na zajedničku infrastrukturu.

2. Utvrđuje se da je članom 156. stav 1. alineja 9. Zakona o srednjem obrazovanju ("Službene novine Kantona Sarajevo", br. 10/04 i 34/07) povrijeđeno pravo Grada Sarajeva na lokalnu samoupravu, jer Zakonom nije predviđeno obezbjeđenje finansijskih sredstava neophodnih za izvršenje obaveze iz osporenog člana.

3. Utvrđuje se da se Odlukom o utvrđivanju lokalnih cesta na području Kantona Sarajevo i Odlukom o utvrđivanju lokalnih cesta od interesa za općine na području Kantona Sarajevo ("Službene novine Kantona Sarajevo", broj 17/05) povrjeđuje pravo Grada Sarajeva na lokalnu samoupravu, jer osporene odluke nisu poštovale nadležnosti gradskih vlasti u skladu sa Amandmanom XVI na Ustav Federacije Bosne i Hercegovine koje se odnose na javni promet.

4. Utvrđuje se da se primjenom Pravilnika o visini i načinu plaćanja naknade za postavljanje reklamnih panoa i znakova informisanja u zaštitnom cestovnom pojasu na području Kantona Sarajevo ("Službene novine Kantona Sarajevo", broj 14/02) i Pravilnika o visini i načinu plaćanja naknade za korištenje cestovnog pojasa i zemljišta koje pripada cestama na području Kantona Sarajevo ("Službene novine Kantona Sarajevo", broj 19/02) povrjeđuje pravo Grada Sarajeva na lokalnu samoupravu, jer su u skladu sa članom 87. stav 2. Zakona o cestama Federacije Bosne i Hercegovine ("Službene novine Federacije BiH", broj 6/02) navedeni pravilnici prestali da važe.

7.1. Rješenje o neizvršenju

Rješenjem od 06.03.2012. godine, Ustavni sud Federacije Bosne i Hercegovine utvrdio je da presuda broj U-21/09 nije izvršena.

Premijer Federacije Bosne i Hercegovine je aktom broj: 01-11-1989-1/11 od 04.01.2012. godine, dostavio Ustavnom sudu Federacije Informaciju o izvršenju presuda Ustavnog suda Federacije, odnosno o preduzetim aktivnostima za izvršenje presuda. U navedenoj Informaciji je, između ostalog navedeno, da je u cilju izvršenja dijela presude koji se odnosi na Zakon o privremenom korištenju javnih površina na području Kantona Sarajevo ("Službene novine Kantona Sarajevo", broj 24/04) pripremljen Nacrt Zakona o izmjeni Zakona o privremenom korištenju javnih površina na području Kantona Sarajevo.

Prema informaciji Ministarstva prostornog uređenja i zaštite okoliša Kantona Sarajevo prema programu rada planirano je da se usvoji ovaj Zakon do polovine 2012. godine.

Za ostale zakone i provedbene propise za koje je navedeno da povrjeđuju pravo Grada Sarajeva na lokalnu samoupravu, nije navedeno da li su doneseni.

7.2. Status realizacije Presude

Tačka 4. presude je implementirana donošenjem Pravilnika o visini i načinu plaćanja naknade za postavljanje reklamnih panoa i znakova informisanja u zaštitnom cestovnom pojasu na području Kantona Sarajevo i Pravilnika o visini i načinu plaćanja naknade za korištenje cestovnog pojasa i zemljišta koje pripada cestama na području Kantona Sarajevo („Službene novine Kantona Sarajevo“, broj 54/12).

8. Dopunska presuda U-21/09

Ustavni sud Federacije Bosne i Hercegovine je u presudi broj U-21/09 od 21.10.2015. godine utvrdio da Zakon o komunalnim djelatnostima („Službene novine Kantona Sarajevo“, br.: 31/04, 21/05 i 36/14) i Zakon o komunalnoj čistoći („Službene novine Kantona Sarajevo“, broj: 11/97), povrjeđuju pravo Grada Sarajeva na lokalnu samoupravu, jer osporeni zakoni nisu poštivali nadležnosti i odgovornosti gradskih vlasti u skladu sa Amandmanom XVI na Ustav Federacije Bosne i Hercegovine, i jer prilikom donošenja ovih zakona, nije postupljeno u skladu sa čl. 3. i 4.

Evropske povelje o lokalnoj samoupravi i čl. 56., 59. i 60. Zakona o principima lokalne samouprave u Federaciji Bosne i Hercegovine („Službene novine Federacije BiH“, br.: 49/06 i 51/09).

8.1. Status realizacije Presude: Presuda nije realizovana.

9. Presuda U-32/10

Ustavni sud Federacije Bosne i Hercegovine je u presudi broj U-32/10 od 18.11.2010. godine utvrdio da je Kanton Sarajevo povrijedio pravo Općine Novo Sarajevo na lokalnu samoupravu, jer nije postupio u skladu sa zakonskom obavezom iz člana 24. Zakona o pripadnosti javnih prihoda u Federaciji Bosne i Hercegovine, ("Službene novine Federacije BiH",49/06) broj 22/06, 43/08 i 22/09).

9.1. Rješenje o neizvršenju

Rješenjem od 24.05.2011. godine, Ustavni sud Federacije Bosne i Hercegovine utvrdio je da presuda broj U-32/10 nije izvršena.

Premijer Federacije Bosne i Hercegovine je aktom broj 01-11-177/11 od 24.03.2011. godine, dostavio Ustavnom sudu Federacije Informaciju o izvršenju presuda Ustavnog suda Federacije donesenih do kraja 2010. godine, odnosno o poduzetim aktivnostima za izvršenje presuda. U navedenoj informaciji je, između ostaloga, navedeno da je u cilju izvršenja Presude broj U-32/10 od 18.11.2010. godine Skupština Kantona Sarajevo utvrdila nacrt Zakona o lokalnoj samoupravi 04.05.2010. godine i uputila ga na javnu raspravu u trajanju od 90 dana. Nakon provedene javne rasprave sačinjeno je Izvješće o provedenoj javnoj raspravi i radni materijal prijedloga Zakona.

Odmah po konstituiranju vlasti, Vlada Kantona Sarajevo se opredijelila da se prije utvrđivanja konačnog teksta Zakona o lokalnoj samoupravi još jednom obave konzultacije s predstavnicima lokalne samouprave i kantonalnim organima uprave, uz obvezno učešće predstavnika Saveza općina i gradova Federacije Bosne i Hercegovine. Odmah nakon postignutog dogovora, Vlada Kantona će utvrditi Prijedlog zakona o lokalnoj samoupravi, s precizno utvrđenim rokom za usklađivanje ostalih kantonalnih propisa koji se mogu donijeti prije donošenja Zakona o lokalnoj samoupravi.

9.2. Status realizacije Presude: Nije realizovana.

10. Presuda U-19/11

Ustavni sud Federacije Bosne i Hercegovine je u presudi broj U-19/11 od 25.10.2011. godine utvrdio sljedeće:

1. Utvrđuje se da član 23. Tarifni broj 1. Zakona o komunalnim taksama - Prečišćen tekst ("Službene novine Kantona Sarajevo", broj 14/06), nije u skladu sa Ustavom Federacije Bosne i Hercegovine.

2. Utvrđuje se da član 2. Odluke o visini komunalnih taksa ("Službene novine Kantona Sarajevo", broj 39/05, 10/08 i 16/08) nije u skladu sa Ustavom Federacije Bosne i Hercegovine.

10.1. Rješenje o neizvršenju

Rješenjem od 06.03.2012. godine, Ustavni sud Federacije Bosne i Hercegovine utvrdio je da presuda broj U-19/11 nije izvršena.

Premijer Federacije Bosne i Hercegovine je aktom broj: 01-11-1989-1/11 od 04.01.2012. godine, dostavio Ustavnom sudu Federacije Informaciju o izvršenju presuda Ustavnog suda Federacije koje su donesene u navedenom periodu. U Informaciji je, između ostalog, navedeno da Presuda ovog Suda, broj: U-19/11 od 25. oktobra 2011. godine, nije implementirana, ali da je Ministarstvo finansija Kantona Sarajevo pokrenulo aktivnosti na izmjenama i dopunama ovog zakona, koje će u januaru 2012. godine biti predložene Vladi i Skupštini Kantona Sarajevo na usvajanje.

10.2. Status realizacije Presude

Zakonom i izmjenama i dopunama Zakona o komunalnim taksama ("Službene novine Kantona Sarajevo", br. 31/12) brisana je osporena odredba u članu 23. Tarifni broj 1. Zakona o komunalnim taksama - Prečišćen tekst ("Službene novine Kantona Sarajevo", broj 14/06).

11. Presuda U-1/12

U presudi broj U-1/12 od 17.04.2013. godine Ustavni sud Federacije Bosne i Hercegovine je utvrdio da je članom 6. stav (1) tač. 1.), 9.) i 20.), te članom 24. stav (6) Zakona o koncesijama ("Službene novine Kantona Sarajevo", broj: 27/11), povrijeđeno pravo općina Stari Grad Sarajevo, Novo Sarajevo i Vogošća, na lokalnu samoupravu.

11.1. Rješenje o neizvršenju

Rješenjem od 17.04.2013. godine, Ustavni sud Federacije Bosne i Hercegovine utvrdio je da presuda broj U-1/12 nije izvršena.

Premijer Federacije Bosne i Hercegovine je aktom broj: 01-11-60/13 od 27.02.2013. godine dostavio Ustavnom sudu Federacije Informaciju o izvršenju presuda Ustavnog suda Federacije koju je Vlada Federacije Bosne i Hercegovine prihvatila na 74. sjednici održanoj 27.02.2013. godine. U Informaciji je navedeno da je u vezi Presude ovog Suda broj: U-1/12 od 17.04.2012. godine, Ministarstvo privrede Kantona Sarajevo, kao predlagač Zakona o koncesijama, pripremlilo Nacrt zakona o izmjenama i dopunama Zakona o koncesijama. Nakon što je Vlada Kantona Sarajevo usvojila isti Nacrt, Skupština Kantona Sarajevo je 27.12.2012. godine utvrdila Nacrt zakona i uputila ga na javnu raspravu u trajanju od 30 dana. U toku je priprema Prijedloga zakona od strane resornog Ministarstva.

11.2. Status realizacije Presude:

Presuda je provedena, izmijenjen je član 24. stav (6), a brisane su osporene odredbe iz člana 6. Zakona („Službene novine Kantona Sarajevo“, br. 33/15).

12. Presuda U-56/13

Ustavni sud Federacije Bosne i Hercegovine je u presudi broj U-56/13 od 03.07.2014. godine utvrdio da je Kanton Sarajevo Odlukom broj: 02-012-61/98 od 25.6.1998. godine, dajući prethodnu saglasnost na usaglašeni tekst zaključenog Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, br. 23/00, 50/00 i 97/13), koji su 11.04.2000. godine zaključili Samostalni sindikat državnih službenika i namještenika u Federaciji Bosne i Hercegovine, kao predstavnik službenika organa uprave i sudske vlasti i Vlada Federacije Bosne i Hercegovine, povrijedio pravo na lokalnu samoupravu Općine Stari Grad Sarajevo, radi čega Općina Stari Grad Sarajevo nije u obavezi primjenjivati odredbe predmetnog Kolektivnog ugovora.

12.1. Status realizacije Presude: Nije realizovana.

13. Mišljenje U-23/19

Ustavni sud Federacije Bosne i Hercegovine je u mišljenju broj U-23/19 od 18.06.2019. godine zaključio da je doneseni i osporeni Zakon o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19") izmijenio i proširio nadležnosti, prava i obaveze Ureda za borbu protiv korupcije i upravljanje kvalitetom Kantona Sarajevo koji je osnovala Vlada Kantona Sarajevo, te da je Skupština Kantona Sarajevo donesenim Zakonom preuzela Ured koji je osnovala Vlada Kantona, kao izvršni organ vlasti i utvrdila mu dodatne nadležnosti mimo Uredbe kojom je Ured osnovan, i to iz oblasti borbe protiv korupcije.

Predložena rješenja u spomenutom dijelu Zakona (*Oblast koju reguliše ovaj Zakon su podaci o imovini „bliskih srodnika“ i „povezanih lica“*) su nepotpuna i neodređena, posebno u dijelu koji definiše „povezana lica“.

Veoma je upitno uvođenje obaveze davanja ličnih podataka pod prijetnjom sankcija za lica koja nisu nosioci javne funkcije u Kantonu Sarajevo. Ti podaci ne bi bili sporni, samo ukoliko postoji dobrovoljnost tih lica čiji se podaci traže, a ta licu nisu nosioci javne funkcije.

13.1 Status realizacije

Mišljenje Ustavnog suda Federacije Bosne i Hercegovine implementirano je u dijelu u kojem se navodi da su Zakonom utvrđene dodatne nadležnosti Ureda mimo Uredbe kojom je osnovan, tako što je donesena Uredba o izmjenama i dopunama Uredbe o osnivanju Ureda za borbu protiv korupcije i upravljanje kvalitetom („Službene novine Kantona Sarajevo“, br. 21/19). Što se tiče upitnosti uvođenja obaveze davanja ličnih podataka za lica koja nisu nosioci javne funkcije, pribavljeno je mišljenje Agencije za zaštitu ličnih podataka, broj: 03-1-02-1-1166-2/19, u kojem se, između ostalog, navodi: „Agencija je mišljenja da je isti načelno i suštinski uskladen sa Zakonom o zaštiti ličnih podataka, iako su pojedine odredbe nepotrebne“.

III PREPORUKE INSTITUCIJE OMBUDSMENA BOSNE I HERCEGOVINE

1 Preporuka P-25/17

Institucija Ombudsmena je dala preporuku Ministarstvu za obrazovanje, nauku i mlade Kantona Sarajevo, direktoru JU OŠ "Hasan Kikić" da u skladu sa svojim zakonom utvrđenim nadležnostima poduzmu mjere u cilju otklanjanja utvrđenih nezakonitosti, posebno u dijelu koji se odnosi na nepostupanje u skladu sa saglasnošću Ministarstva za obrazovanje, nauku i mlade Kantona Sarajevo, broj: 11-34-19819-19-1/15 od dana 12.01.2016. godine (Odluka o raspisivanju Konkursa za popunu upražnjenih radnih mjesta) i Odlukom broj 02-14-56/16 od 22.02.2016.godine, te da se razmotri mogućnost poništenja Ugovora o radu broj [REDACTED] zaključenog dana 08.03.2016.godine, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

1.1. Status realizacije:

Preporuka nije realizovana. JU OŠ "Hasan Kikić" je u svom odgovoru koji je uputila Instituciji Ombudsmena navela da će o ovom predmetu da se očituje nadležni sud. Ministarstvo za obrazovanje, nauku i mlade Kantona Sarajevo nije dostavilo odgovor o predmetnoj preporuci. Institucija Ombudsmena je 01.06.2017.godine aktom ukazala na konkretan predmet Premijeru Vlade Kantona Sarajevo, ali nije zaprimila odgovor.

2. Preporuka P-213/17

Institucija Ombudsmena je dala preporuku Ministarstvu prostornog uređenja, građenja i zaštite okoliša Kantona Sarajevo da poništi "Javni poziv za podnošenje prijave za učešće u radu komisija za vršenje tehničkih pregleda građevina i radova za koje odobrenje za građane donosi Ministarstvo prostornog uređenja, građenja i zaštite okoliša Kantona Sarajevo", te da ponovo raspiše Javni poziv u skladu sa uvjetima predviđenim odredbama Zakona o prostornom uređenju Kantona Sarajevo, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

2.1. Status realizacije:

Preporuka nije realizovana. Ministarstvo prostornog uređenja, građenja i zaštite okoliša Kantona Sarajevo je dostavilo odgovor, u kojem je navelo da nakon sagledavanje predmetne preporuke smatra da nije došlo do povrede Zakona o zabrani diskriminacije BiH, međutim u odgovoru se nisu osvrnuli na nepropisivanje spornog uvjeta (starosne dobi) odredbama Zakona o prostornom uređenju Kantona Sarajevo, te institucija ombudsmena ovu preporuku karakteriše kao nerealizovanu.

3. Preporuka P-316/18

Institucija Ombudsmena je dala preporuku direktoru Kantonalnog javnog komunalnog preduzeća "Park" d.o.o. Sarajevo da stavi van snage rješenja kojima se N.N. licima otkazuju ugovori o radu na neodređeno vrijeme uz ponudu zaključenja novog ugovora o radu pod izmijenjenim uslovima na radnom mjestu kv radnika u Sektoru za održavanje zelenih površina, da prestane sa mobingom prema žaliteljima, te da u roku od 30 dana od dana prijema ove Preporuke obavijesti Ombudsmene za ljudska prava Bosne i Hercegovine o preduzetim mjerama.

3.1. Status realizacije:

Preporuka nije realizovana. Kantonalno javno komunalno preduzeće “Park” d.o.o. Sarajevo se izjasnilo na Preporuku, međutim Preporuka nije provedena. Dana 24.04.2019.godine je Institucija Ombudsmena uputila Vladi Kantona Sarajevo Obavijest o nepoštivanju Preporuke, na koju se Vlada Kantona Sarajevo nije očitovala.

4. Preporuka P-310/17

Institucija Ombudsmena je dala preporuku direktoru Zavoda za zdravstvenu zaštitu zaposlenika MUP-a Kantona Sarajevo da postupi u skladu sa članom 14. Zakona o slobodi pristupa informacijama Federacije Bosne i Hercegovine i donese rješenje o pristupu informacijama, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

4.1. Status realizacije:

Preporuka nije realizovana. Institucija Ombudsmena je zaprimila akt Zavoda za zdravstvenu zaštitu zaposlenika MUP-a Kantona Sarajevo, u kojem navode da su u predmetu na koji se preporuka odnosi, ispoštovani svi zakonski propisi i procedure.

5. Preporuka P-190/19

Institucija Ombudsmena je uputila preporuku Vladi Kantona Sarajevo da preispita Odluku (Informaciju upućenu podnosiocu žalbu broj: 02-34-3720/19 od 29.04.2019. godine) kojom se ne udovoljava Zahtjevu za pristup informacijama od dana 27.02.2019. godine, kojim je tražena dostava imena i prezimena zaposlenika koji je pripremio Rješenje o početku rada direktora Zavoda za informatiku i statistiku Kantona Sarajevo, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

5.1. Status realizacije:

Rad na predmetu u toku.

6. Preporuka P-64/18

Institucija Ombudsmena je uputila preporuku policijskom komesaru Ministarstva unutrašnjih poslova Kantona Sarajevo da ponovo razmotri molbu za premještaj N.N. lica, te da sagleda i druge mogućnosti koje ima na raspolaganju u cilju ispunjavanja najboljeg interesa djeteta u predmetnom slučaju, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

6.1. Status realizacije:

Rad na predmetu u toku. Uprava policije je dostavila odgovor u kojem je navela da su ponovo razmatrali mogućnost premještaja, ali da se još uvijek nisu stekli uvjeti za premještaj, jer su trenutno popunjene pozicije u činu “policajac” u Policijskoj stanici Ilidža, a da nijedan policijski službenik nije izrazio želju da bude premješten u Policijsku stanicu Novi Grad.

7. Preporuka P-69/17

Institucija Ombudsmena je uputila preporuku Vladi Kantona Sarajevo i Ministarstvu finansija Kantona Sarajevo da preduzmu sve mjere kako bi se izvršile pravosnažne i izvršne presude Općinskog suda u Sarajevu po rješenju o izvršenju broj. 65 0 I 322157 13 I od 18.02.2013. godine, 65 0 I 470910 14 od 20.11.2014. godine i broj 65 0 I 465628 14 I od 03.02.2015. godine, te da u roku od 15 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

7.1. Status realizacije:

Preporuka nije realizovana.

8. Preporuka P-96/17

Institucija Ombudsmena je uputila preporuku direktoru Zavoda za izgradnju Kantona Sarajevo da razmotri zahtjeve radnika i pokrene postupak dodjele stanova koji su u vlasništvu Zavoda za izgradnju Kantona Sarajevo, a u skladu sa Zakonom o vraćanju, dodjeli i prodaji stanova, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

8.1. Status realizacije:

Rad na predmetu u toku.

9. Preporuka P-171/18

Institucija Ombudsmena je uputila preporuku Stručnoj službi Vlade Kantona Sarajevo da odmah poništi Rješenje broj 16-01-34-3-983 od 18.12.2017. godine te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

9.1. Status realizacije:

Preporuka nije realizovana. Stručna služba Vlade Kantona Sarajevo je uputila odgovor Instituciji ombudsmena u kojem je navela da je Odbor državne službe za žalbe donio Rješenje broj: 01-34-5/18 od 30.07.2018.godine, kojim se poništava obavještenje Agencije za državnu službu Federacije Bosne i Hercegovine i Rješenje Stručne službe Vlade Kantona Sarajevo broj: 16-01-34-3-983 od 18.12.2017. godine i da se predmet vraća prvostepenom organu na ponovni postupak.

Međutim, dana 18.12.2018. godine podnositeljica žalbe se ponovno obratila Ombudsmenima sa novom žalbom u kojoj je navela da je u ponovljenom postupku doneseno novo Rješenje broj 16-01-34-3-162 od 09.10.2018. godine kojim se na radno mjesto ponovo postavlja trećeplasirana kandidatkinja te je Institucija Ombudsmena ovu Preporuku okarakterisala kao nerealizovanu.

10. Preporuka P-314/18

Institucija Ombudsmena je uputila preporuku v.d. direktoru kantonalne javne ustanove "Gerontološki centar" Sarajevo da po prijemu preporuke stavi van snage Upozorenje radniku, broj: [REDACTED] od dana 27.09.2018. godine, te da u roku od 30 dana od dana prijema ove Preporuke obavijesti Ombudsmene za ljudska prava Bosne i Hercegovine o preduzetim mjerama.

10.1. Status realizacije:

Preporuka nije realizovana. Kantonalna javna ustanova “Gerontološki centar” Sarajevo je dostavila odgovor na Preporuku, ali Preporuka nije realizovana.

11. Preporuka P-52/19

Institucija Ombudsmena je uputila preporuku premijeru Kantona Sarajevo da prilikom planiranja i raspoređivanja sredstava iz Budžeta Kantona Sarajevo, planira novčana sredstva za jačanje kadrovskih kapaciteta Centara za fizikalnu rehabilitaciju u Javnoj ustanovi Dom zdravlja Kantona Sarajevo, direktoru Javne ustanove Dom zdravlja Kantona Sarajevo da u što većoj mjeri, u skladu sa dostupnim budžetskim sredstvima, kontinuirano poduzima mjere u cilju osnaživanja Centara za fizikalnu rehabilitaciju, kao i da Pravilnik o radu, unutrašnjoj organizaciji i sistematizaciji uskladi sa Standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine i Standardima sigurnosti i kvaliteta za primarnu zdravstvenu zaštitu.

11.1. Status realizacije:

Preporuka nije realizovana. Direktor javne ustanove Dom zdravlja Kantona Sarajevo je uputio odgovor Ombudsmenima u kojem je naveo da prava zaposlenice nisu prekršena, te da Ustanova nije u obavezi odgovoriti na prispjele molbe zaposlenice koje se odnose na priznavanje visoke stručne sprema kao i davanje većih prava u smislu većeg koeficijenta u obračunu plate.

12. Preporuka P-55/19

Institucija Ombudsmena je uputila preporuku Ministarstvu za obrazovanje, nauku i mlade Kantona Sarajevo da uspostavi saradnju sa Institucijom Ombudsmena za ljudska prava Bosne i Hercegovine na način propisan Zakonom o ombudsmenima za ljudska prava Bosne i Hercegovine, te da dostavi izjašnjenje.

12.1. Status realizacije:

Preporuka nije realizovana. Ministarstvo za obrazovanje, nauku i mlade Kantona Sarajevo nije dostavilo saglasnost javnoj ustanovi Poslovno – komercijalna trgovačka škola za radno mjesto socijalnog radnika iako je Prvostepena komisija za evidentiranje i zbrinjavanje zaposlenika za čijim radom je prestala potreba u osnovnim i srednjim školama na području Kantona Sarajevo takav prijedlog dostavila ministru na potpis.

13. Preporuka P-27/17

Institucija Ombudsmena je uputila preporuku Pravobranilaštvu Kantona Sarajevo da uspostavi saradnju sa Institucijom ombudsmena na način propisan Zakonom o ombudsmenu za ljudska prava BiH, da odmah, a najkasnije u roku od 7 dana, dostavi akte i izjašnjenja na akt institucije od 05.01.2017. godine, te da u roku od 7 dana, od dana prijema ove Preporuke obavijesti Instituciju ombudsmena za ljudska prava BiH o načinu realizacije ove preporuke.

13.1. Status realizacije:

Preporuka nije realizovana.

14. Preporuka P-103/17

Institucija Ombudsmena je uputila preporuku Pravobranilaštvu Kantona Sarajevo da uspostavi saradnju sa Institucijom ombudsmena na način propisan Zakonom o ombudsmenu za ljudska prava BiH, da odmah, a najkasnije u roku od 7 dana dostavi akte i izjašnjenja na akt institucije od 05.01.2017. godine, te da u roku od 7 dana, od dana prijema ove preporuke obavijesti Instituciju ombudsmena za ljudska prava BiH o načinu realizacije ove preporuke.

14.1. Status realizacije:

Preporuka nije realizovana. Vlada Kantona Sarajevo dostavila je akt, broj: 02-05-20847/17 od dana 08.06.2017. godine, u kojem se navodi sljedeće: “U prilogu akta dostavljamo Vam očitovanje na Preporuku koje smo dobili od Pravobranilaštva Kantona Sarajevo, a u vezi sa žalbom broj Ž-SA-02-156/13 i broj: Ž-SA-02-367/13.” Ombudsmeni Bosne i Hercegovine su uvidom u akt Pravobranilaštva Kantona Sarajevo, broj: PK-1/17 od dana 05.06.2017. godine, koji je dostupan u spisu predmeta, utvrdili da Preporuka, broj: P-103/17 nije ispoštovana.

15. Preporuka P-104/17

Institucija Ombudsmena je uputila preporuku JU “Kantonalni centar za socijalni rad” Sarajevo da u budućim slučajevima poštuje zakonom propisanu proceduru za slučajeve smještanja osoba lišenih poslovne sposobnosti uz obavezu poštivanja pravomoćnih presuda Ustavnog suda Bosne i Hercegovine i Evropskog suda za ljudska prava, te da obavijesti Ombudsmene Bosne i Hercegovine o mjerama poduzetim u cilju realizacije preporuke.

15.1. Status realizacije:

Preporuka nije realizovana.

16. Preporuka P-228/19

Institucija Ombudsmena je uputila preporuku Prvoj policijskoj upravi Kantona Sarajevo da, imajući u vidu nalaze i zaključke iz ove preporuke, postupi po članu 8. Zakona o unutrašnjim poslovima Kantona Sarajevo, te zaštititi imovinu vlasnika u čije ime žalitelj se obratio Instituciji, odnosno da ukloni vozilo ispred garaže.

16.1. Status realizacije:

Predmet je zatvoren. Institucija Ombudsmena je dana 13.11.2019. godine zaprimila odgovor Prve policijske uprave Sarajevo broj: 02/8-1-04-1298 od 11.11.2019. godine. Iz odgovora je vidljivo da Prva policijska uprava Sarajevo ostaje kod ranijeg stava, odnosno da neće postupiti po Preporuci i ukloniti vozilo ispred garaže. Obzirom na prednje predmet Ž-SA-05-204/19 se zatvara u skladu sa člankom 35. Pravila postupka Institucije Ombudsmena za ljudska prava Bosne i Hercegovine.

17. Preporuka P-65/18

Institucija Ombudsmena je uputila preporuku Vladi Kantona Sarajevo da razmotri mogućnost izmjene Zakona o državnoj službi Kantona Sarajevo i to u smislu jasnog definisanja uslova pod kojim državni službenik može biti član u upravnom odboru, nadzornom odboru, skupštini, upravi ili menadžmentu ili u svojstvu ovlaštene osobe, a uz uvažavanje navoda iz ove preporuke, te da obavijesti Ombudsmene Bosne i Hercegovine o mjerama poduzetim u cilju realizacije preporuke.

17.1. Status realizacije:

Preporuka nije realizovana. Kako u ostavljenom roku nije zaprimljena informacija o mjerama poduzetim u cilju realizacije preporuke, dana 04.05.2018. godine upućena je urgencija za realizaciju Preporuke. S obzirom da nije zaprimljen odgovor Vlade Kantona Sarajevo, Ombudsmeni Bosne i Hercegovine konstatuju da Preporuka nije realizovana.

18. Preporuka P-41/19

Institucija Ombudsmena je uputila preporuku Vladi Kantona Sarajevo da u ovom i svim budućim slučajevima, prilikom provođenja konkursne procedure kandidatima blagovremeno dostavi obavijest o ishodu konkursa, da u budućim slučajevima razmotri mogućnost provođenja odvojenih procedura i izbora direktora samostalnih kantonalnih uprava i samostalnih upravnih organizacija u Kantonu Sarajevo, da poduzme aktivnosti u cilju definisanja roka za postavljenje imenovanih kandidata nakon okončanja procedure konačnog imenovanja, te da preduzme sve neophodne mjere kojima će osigurati da se imenovanje izvrši uz puno poštivanje Zakona o ministarskim, vladinim i drugim imenovanjima Federacije Bosne i Hercegovine (Sl. novine FBiH br. 12/03, 34/03, 65/13).

18.1. Status realizacije:

Preporuka nije realizovana. Dana 05.11.2019. godine, Ombudsmeni BiH su u cilju implementacije Preporuke u cjelosti uputili Obavijest o neispoštovanju Preporuke prema Vladi Kantona Sarajevo sa ciljem poduzimanja aktivnosti na implementaciji Preporuke. Traženo izjašnjenje nije dostavljeno od strane Vlade Kantona.

19. Preporuka P-102/19

Institucija Ombudsmena je uputila preporuku Vladi Kantona Sarajevo da preispita obavljene postupak imenovanja kandidata u pogledu stručne spreme i radnog iskustva imenovanog kandidata, te da uočene nepravilnosti odmah eliminiira, da u budućim slučajevima preduzme sve neophodne mjere kojima će osigurati da se imenovanje izvrši uz puno poštivanje Pravilnika o unutrašnjoj organizaciji Zavoda za informatiku i statistiku Kantona Sarajevo, te da u roku od 10 dana, saglasno članu 32. stav 1. Zakona o Ombudsmenu za ljudska prava Bosne i Hercegovine, obavijesti Ombudsmene Bosne i Hercegovine o postupcima i rokovima za preduzimanje mjera na realizaciji ove preporuke.

19.1. Status realizacije:

Predmet je zatvoren. Uzimajući u obzir činjenicu da Vlada Kantona Sarajevo nije postupila po upućenoj preporuci, kao i to da je nakon provedene procedure imenovanja na kraći period najviše tri mjeseca, provedena i procedura konačnog imenovanja, Ombudsmeni BiH u ovom trenutku ne nalaze osnova za dalji rad u predmetu.

20. Preporuka P-53/19

Institucija Ombudsmena je uputila preporuku Ministru za boračka pitanja Kantona Sarajevo da imajući u vidu navode iz ove Preporuke, ponovno razmotri inicijativu Udruženja Jedinствена organizacija boraca "Unija veterana" Kantona Sarajevo za dodjelu stana pod zakup [REDACTED], te da u roku od 30 dana od dana prijema ove Preporuke, obavijesti Ombudsmene Bosne i Hercegovine o mjerama poduzetim u cilju realizacije preporuke.

20.1. Status realizacije:

Preporuka nije realizovana. Cijeneći odgovor Ministarstva za boračka pitanja Kantona Sarajevo, Ombudsmeni Bosne i Hercegovine zaključuju da preporuka broj: P-53/19 od 19.02.2019. godine nije realizovana.

21. Preporuka P-261/19

Institucija Ombudsmena je uputila preporuku Vladi Kantona Sarajevo/Stručnoj službi Vlade Kantona Sarajevo da preispita Odluku/Rješenje broj: 16-02-05-31577-25.1/19 od 29.08.2019. godine, kojom se odbija prigovor/zahtjev podnosioca žalbe za pristup informacijama od dana 23.05.2019. godine, a kojim je tražena dostava prepisa zapisnika sa 13. sjednice Vlade Kantona Sarajevo, te donese novo Rješenje utemeljeno na odredbama Zakona o slobodi pristupa informacijama FBiH, uvažavajući navode iz Preporuke.

21.1. Status realizacije:

Rad na predmetu u toku. Upućena je urgencija Stručnoj službi Vlade Kantona Sarajevo. Rad na predmetu je u toku.

22. Preporuka P-176/17

Institucija Ombudsmena je uputila preporuku Premijeru Vlade i Ministru privrede da u skladu sa članom 87. i 109. Zakona o turizmu ("Službene novine Kantona Sarajevo" broj 19/16) donese odluku kojom se hitno rješavaju pitanja radno-pravnog statusa zaposlenika Turističke zajednice Kantona Sarajevo, da odmah po prijemu ove preporuke preduzmu mjere i aktivnosti na realizaciji Zaključka Vlade Kantona Sarajevo broj: 02-05-15292-53/17 od 14.04.2017. godine u vezi sa isplatom plata zaposlenicima Turističke zajednice Kantona Sarajevo za prva tri mjeseca 2017. godine, te da u roku od 8 dana, od dana prijema ove Preporuke obavijesti Ombudsmene Bosne i Hercegovine o načinu realizacije ove preporuke.

22.1. Status realizacije:

Preporuka nije realizovana. Ombudsmeni Bosne i Hercegovine do dana 27.03.2018. godine nisu zaprimili izjašnjenje Vlade Kantona Sarajevo o načinu realizacije Preporuke Ombudsmena Bosne i Hercegovine. Dana 28.03.2018. godine Ombudsmeni su u skladu sa odredbama Zakona o ombudsmenu za ljudska prava Bosne i Hercegovine dostavili Skupštini Kantona Sarajevo akt pod nazivom "Obavijest neposredno višem organu o nesaradnji Vlade Kantona Sarajevo u vezi sa izvršenjem preporuke Ombudsmena Bosne i Hercegovine broj: P-176/17." Također je zatraženo da čim prije Skupština Kantona Sarajevo dostavi informaciju Ombudsmenima Bosne i Hercegovine o načinu realizacije preporuke. Obavijest nije dostavljena.

23. Preporuka P-269/18

Institucija Ombudsmena je uputila preporuku Turističkoj zajednici Kantona Sarajvo da odmah po prijemu ove preporuke uspostavi saradnju sa Ombudsmenima Bosne i Hercegovine na način propisan Zakonom o ombudsmenu za ljudska prava Bosne i Hercegovine.

23.1. Status realizacije:

Preporuka nije realizovana. Turistička zajednica Kantona Sarajevo nije postupila po preporuci Ombudsmena. Dana 21.12.2018. godine Vladi Kantona Sarajevo dostavljena je Obavijest o

neizvršenju preporuke Ombudsmena u predmetu žalbe [REDACTED], preporuka broj: P-269/18.

24. Preporuka P-231/19

Institucija Ombudsmena je uputila preporuku Ministarstvu za obrazovanje, nauku i mlade Kantona Sarajevo da odmah po prijemu preporuke uspostavi saradnju sa institucijom Ombudsmena za ljudska prava Bosne i Hercegovine na način propisan Zakonom o ombudsmenu za ljudska prava Bosne i Hercegovine i dostavi izjašnjenje.

24.1. Status realizacije:

Rad na predmetu je u toku.

25. Preporuka P-233/17

Institucija Ombudsmena je uputila preporuku da KJKP "Rad" d.o.o. Sarajevo prilikom poduzimanja mjera i aktivnosti u vezi sa uklanjanjem opasnih pasa lualica sa ulica Kantona Sarajevo iste poduzima u skladu sa Zakonom o zaštiti i dobrobiti životinja, podzakonskim propisima donesenim od strane Vlade Kantona Sarajevo, te vodeći računa o načinu, mjestu i vremenu provođenja istih.

25.1. Status realizacije:

Predmet je zatvoren. Dana 28.08.2017. godine Institucija Ombudsmena BiH je KJKP "Rad" d.o.o. Sarajevo izdala Preporuku, broj: P-233/17, kojom je preporučeno da KJKP "Rad" d.o.o. Sarajevo prilikom poduzimanja mjera i aktivnosti u vezi sa uklanjanjem opasnih pasa lualica sa ulica Kantona Sarajevo iste poduzima u skladu sa Zakonom o zaštiti i dobrobiti životinja, podzakonskim propisima donesenim od strane Vlade Kantona Sarajevo, te vodeći računa o načinu, mjestu i vremenu provođenja istih. Obzirom na navedeno, odnosno činjenicu da je nakon razmatranja činjeničnih navoda, institucija Ombudsmena BiH odgovornoj strani izdala Preporuku, kao i uzimajući u obzir specifičnost iste, odnosno nemogućnost praćenja realizacije izdate preporuke, predmet je zatvoren.

26. Preporuka P-179/17

Institucija Ombudsmena je uputila preporuku Vladi Kantona Sarajevo da razmotri izradu dokumenta u kojem će prikupiti informacije o broju objekata kolektivnog i individualnog stanovanja koji su pod određenim stepenom zaštite a koji su u međuvremenu postali neuslovni za stanovanje i broja ljudi koji su pogođeni usljed toga, kao i mjere koje se mogu poduzeti s tim u vezi.

26.1. Status realizacije:

Rad na predmetu je u toku.

27. Preporuka P-44/18

Institucija Ombudsmena je uputila Preporuku Upravnom odboru Zavoda zdravstvenog osiguranja Kantona Sarajevo da pristupi izmjeni Odluke o refundaciji troškova za pruženu uslugu medicinski potpomognute oplodnje – Prečišćeni tekst – broj: UO/06-13.1-N.H – 1697/17 od 23.01.2017. godine u smislu dopune odredbe da se vanbračna zajednica može dokazati i drugim dokaznim sredstvima.

27.1. Status realizacije:

Preporuka nije realizovana. Treba istaknuti da je Institucija prethodno izdala preporuku broj P-150/17 dana 05.07.2017. godine u predmetu registriranim pod brojem: Ž-SA-04-324/17 u svrhu otklanjanja diskriminatorne odredbe. Iz tog razloga u preporuci koja je izdata u ovom predmetu broj P-44/18 dana 12.02.2018. godine ukazano je na potrebu korištenja drugih dokaznih sredstava. Zavod na ovu preporuku nije dostavio odgovor ali je dostavio odgovor na preporuku broj P-150/17 u kojoj je naveo da ostaje pri odredbama Odluke na koju se žalba odnosi.